
Янги Ўзбекистон армияси – мамлакат таянчи, халқимиз фахри

Ўзбекистон Республикаси Қуролли Кучлари ташкил этилганининг 33 йиллиги ҳамда 14 январь – Ватан ҳимоячилари куни Учкўприк туманида ҳам кенг нишонланмоқда. Байрам муносабати билан маънавий-маърифий тадбирлар ва спорт мусобақалари ўтказилмоқда.

“Янги Ўзбекистон армияси – мамлакат таянчи, халқимиз фахри” шиори остида болалар мусиқа ва санъат мактабида ўтказилган бугунги байрам тадбирида муҳофаа, миллий гвардия ҳамда ички ишлар бўлимлари ходимлари, ҳарбийлар, ёшлар, жамоатчилик вакиллари иштирок этди.

Тадбир аввалида Учкўприк тумани ҳокимининг байрам табриги ўқиб эшиттирилди. Ташкилотчилар Ватан тинчлиги йўлида фидойилик кўрсатган фахрийларни, муҳофаа бўлими ходимлари ва ҳарбий таълим устозларини байрам билан қутлашди. Тадбир иштирокчиларининг бир гуруҳига туман ҳокимлиги, халқ таълими бўлими, таълим ва фан ходимлари касаба уюшмаси туман бўлинмасининг ташаккурномалари ва эсдалик совағалари топширилди.

Маданият бўлими санъаткорларининг жасорат, Ватанга садоқат тараннум этилган концерт дастури ҳамда 1-давлат мактабгача таълим ташкилоти тарбияланувчиларининг бадий чиқишлари тадбир иштирокчиларига байрамона кайфият бағишлади.

2025-01-14 14:28:14